


BIBLIOTEKA
Zakl. Nar. im. Ossolińskich

XVI 3020



B



INCLYTO Q VIRI TIVM REGI FERDINANDO, IN diuæ coniugis Annæ obitu, Petri Royzij Maurei Hispani Celtiberi Iurifconsulti EPITHAPHIA.



GAVDENDVM In morte.

Si qui homines infans adit, hic flet, ut editur : ergo
Gaudeat ad superos qui redit ille deos.



Illa ego sum, mihi quæ mortalia cuncta subegi.
Mors iucunda bonis, sed metuenda malis.
Stultus, qui seris olim me expectat in annis:
Qui cito venturam me putat: ille sapit.

INCLYTO QVIRITIVM REGI FER
dinando in diuæ coniugis Annæ obitu, Petri Royzj
Maurei Hispani Celtiberi Iurisconsulti
Epithaphia.

MVltorum Regina parens pulcherrima Regum
Occidit Anna graui functa puerperio.
Anna tui consors thalami, Rex magne Quiritum :
Diuitis Anna comes delictumq; tori.
5 Terquina postquam fecit te prole parentem :
Lucinæ in medijs occubuit manibus.
Rex ne fle, indulgit quæ natis Anna creandis,
Non aliter uoluit quam pariendo mori.

ALIVD.

Anna puerperijs Regum clarissima mater
(Per quam tot Reges, scepra tot orbis habet.)
Occidit heu : terras pariens hominesq; reliquit:
Et felix magnum sistitur ante Iouem.
5 Tot Regum altrici Reginae Iuppiter almæ
Præmia si exoluat debita : pauper erit.

ALIVD.

Debita foecunde dent ut dij præmia matri :
Non satis est cœlum : non Iouis aula satis.

ALIVD.

Terræ Reginis & Regibus Anna creatis ;
In cælos it nunc : an genitura deos ?

ALIVD.

Repleuit terras ubi, diuum iussa secuta;
Multiplici felix Anna puerperio.
Cœlum adit exultans partu, terrasq; reliquit :
Repleuit terras : repleat Anna polos.

ALIVD.

Excidit' ut gremio soboles, obit optima mater:
Nascitur hæc mundo : nascitur illa Deo.

ALIVD.

Mortem olim & uitam discordes iunxit in ipso
Anna puerperio, funere facta parens.

ALIVD.

Exiret uacuum tempus ne foetibus ullum :
Luce sub extrema cum cadit Anna, parit.

ALIVD.

Anna parens foecunda, tori ne muneris hora
Vlla sit immunis, uult pariendo mori.

ALIVD.

Quæ Reges olim foecunda tot edidit Anna:
Ne in morte accuses, & moriendo parit.

ALIVD.

Dum parit, egregijs quæ terras Regibus implet :
Regina in medijs nixibus Anna perit.

Vna quot d̄ luctus toti fert litera mundo :
Damna quot et lachrymas, dū parit Anna, perit.

ALIVD.

Nascitur in partu Regina atque occidit uno,
Iunxerunt cunis inuida fata rogam.
Coguntur lætari oculi : & simul importuna
Non expectati funera flere mali.
5 Gaudia cum luctu, cum pullo purpura iuncta est :
Lætandum & flendum est (sic tulit hora) simul.

ALIVD.

Altera cunctorum uictrix, uicta altera nulli,
Mors atq; Anna graues conseruere manus.
Abstulit hæc vnam, terquinas illa reliquit
Nixu animas: utrius, gloria martis erit :

ALIVD.

Difficili fessam ex partu mors tristis adorta est
Annam : nunc Annam uincere tempus, ait :
Quam non integram potui, aut superare ualentem :
Non fuerit foetam uincere difficile
5 Partu ægram superat : thalamo fixamq; reliquit :
Non casura aliter tanta uirago fuit.

ALIVD.

Lanificam ut Lachesim uidit sua fila legentem
Anna : colum & calathos euoluisse suos.

Hæc contra fata est : formosam enixa puellam,
Pro me, quam tollis, accipe parca aliam.

ALIVD.

Cogitat Anna suo solamen linquere Regi :
Vidit ut extremum fata minata diem.
Prolem ergo egregiam suprema in luce reliquit :
Difficili nimium fracta puerperio.
Non adamasse uirum, non obseruasse, quis aiat ?
Quis Regem dicat non coluisse uirum ?
Cætera prætereat si, quæ dedit optima coniunx,
In morte eximium pignus amoris habet.

ALIVD.

Magna laboranti debetur gratia matri:
Laudeq; digna sua est, quæ pariendo perit.
Gratia sed maior Reginam, & summa secuta est!
Laus Annam : contra quæ pereundo parit.

ALIVD.

Pontificem in sacris occumbere rebus honestum est :
Pastoremq; suos inter obire greges,
Pugnando miles, deuicto strenuus hoste
Dux, cadere egregiam ducit uterq; necem.
Non in delicijs, aulæ tectus & ostro,
Quam sub Marte graui malit uterq; mori.
Non nauta oppetere in medijs optauerit aruis :
Grata est mors madido quæ uenit uda mari.
Si pulchra est mors cuiq; suo de munere : pulchrū est
Ergo mori matrem matris in officio.

ALIVD

Verum si colimus, quo conditur Anna sepulchro;
Hic bona dicemus omnia, & Anna iacent.

ALIVD,

Illa, qua terris Annam mors abstulit, hora
Virtutes omnes occubuisse puta.

ALIVD,

Hic iacet Anna : simul uirtus hic conditur omnis :
Mors simul herentes soluere non potuit.

ALIVD,

Hic, qua non melior, qua non formosior ulla,
Anna iacet : qua nec sanctior ulla fuit.
Egregiam cum mors speciem, & sacra uiderat ora :
Miror crudeles non tenuisse manus.

ALIVD,

Reginam cum mors Annam truculenta petiuit :
Missura audaci spicula saeva manu.
Crediderim a cede auertit sua lumina: coram
Nam tantum ne esset ausa ferire caput :

ALIVD

Tristis ad Augustam cum mors accesserat Annam;
Armata iaculis in mala damna manu.
Credibile est, facie iaculatam spicula uersa :
Nec coram infandum sustinuisse nephas.

Nam quem non esset species diua illa morata? 5
Iratas poterat que cohibere feras?
Versa ergo facie telum iecisse necesse est:
Siue illud potius mors, puto, caeca fuit.

ALIVD

Vis Rex, uis patres, uis Austria lugeat omnis?
Verbo si dicas, occidit Anna, sat est.

SARMATIS.

Occidit Elisabes mater, Regina Quiritum:
Exemplar sancti & regula coniugij.
Reginae unde omnes, quae sint sua munera, discant:
Quid deceat, quid non, quelibet inde petat.
Est Reginarum toto usquam quicquid in orbe, 5
Vna omnes huius uita docere potest.
Curauit priuata: uiro sua scepra reliquit:
Ille suum tenuit munus: & illa suum.
Hanc ego Reginam sed quid tibi Sarmata laudo?
Filia nota modo cui fuit Elisabe. 10
Qui nosti Elisabem, potes inde ediscere, qualis
Mater erat: cuius filia talis erat.

A N N A

Non mihi mors mors est: facilis iactura salutis.
Mors Ferdinando Rege carere mea est.

ALIVD.

Danubius me flet: Tyber, Istula, Rhenus, Iberus:
Cum quibus & ganges, si sciat, indus erit.




Seu dux, seu Rex es: seu, qui regit omnia, Cæsar:
Qualis ego, falcem demito, talis eris.
Sed mihi nec falx est: sic me finxere poetæ
Carminè, sed nec sum: sic quoq; tu nec eris.



Excusum Cracoviæ anno post Christum natum
M: D: XLVII: Mense Februario
Diebus liberalibus;

6487/2

lx



6489
2

